

Na osnovu člana 2.12 stav (5) Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 7. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 31/24 i 85/24) i člana 1. Odluke o raspisivanju javnog oglasa za imenovanje člana Gradske izborne komisije Tuzla („Službeni glasnik Grada Tuzle“, broj 5/26) Gradsko vijeće Tuzla, objavljuje

JAVNI OGLAS za imenovanje člana Gradske izborne komisije Tuzla

I

Objavljuje se Javni oglas za imenovanje člana Gradske izborne komisije Tuzla (u daljem tekstu: Javni oglas).

Člana Gradske izborne komisije Tuzla imenuje Gradsko vijeće Tuzla, uz saglasnost Centralne izborne komisije Bosne i Hercegovine, na period od 7 (sedam) godina.

II

U skladu sa članom 2.2 Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) (u daljem tekstu: Izborni zakon), osoba koja je kandidat za člana Gradske izborne komisije Tuzla, mora ispunjavati sljedeće uslove:

- da je osoba sa pravom glasa;
- da je osoba sa odgovarajućom stručnom spremom i iskustvom u provođenju izbora.

III

1. Pored uvjeta iz tačke II ovog Javnog oglasa, osoba koja je kandidat za člana Gradske izborne komisije Tuzla mora ispunjavati i sljedeće posebne uslove iz člana 2. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 31/24 i 85/24) (u daljem tekstu: Uputstvo):

- a) da ima prebivalište na području grada Tuzle,
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
- c) da posjeduje iskustvo u provođenju izbora.

2. Pod iskustvom u provođenju izbora, podrazumijeva se:

- a) članstvo u izbornoj komisiji,
- b) članstvo u biračkom odboru na izborima za organe vlasti u BiH,
- c) obavljanje dužnosti sekretara izborne komisije,
- d) obavljanje poslova službenika centra za birački spisak,
- e) obavljanje poslova kontrolora izbornih rezultata,
- f) obavljanje rukovodnih dužnosti u Glavnom centru za brojanje (direktor i zamjenik direktora),
- g) obavljanje poslova državnog službenika ili zaposlenika u Sekretarijatu Centralne izborne komisije BiH na poslovima koji su vezani za provedbu izbornog procesa u trajanju dužem od jedne godine.

IV

Sastav Gradske izborne komisije Tuzla je multietničan, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

U sastavu Gradske izborne komisije Tuzla osigurat će se zastupljenost polova u skladu sa Zakonom o ravnopravnosti polova u Bosni i Hercegovini.

V

U skladu sa članom 2.12. stav (4) Izbornog zakona i članom 4. stav (1) Uputstva član Gradske izborne komisije Tuzla, može biti predsjednik ili sudija redovnog suda, pravobranilac, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u gradskim/općinskim organima uprave i druga lica, ako ispunjavaju uslove određene članom 2.2 Izbornog zakona, a nemaju smetnji iz člana 2.3 Izbornog zakona.

Nosioci pravosudnih funkcija izuzimaju se od obaveze dostavljanja dokaza o posjedovanju izbornog iskustva iz člana 2. stav (1) tačka c) i stava (2) Uputstva.

VI

Prema odredbi člana 1.7b, 2.3 i člana 2.12 stav (7) Izbornog zakona i člana 4. Uputstva za člana Gradske izborne komisije Tuzla ne može biti imenovana osoba:

1. koja se ne može kandidovati u smislu odredbi članova 1.6, 1.7 i 1.7a Izbornog zakona,
2. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
3. koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona,
4. koja je aktuelni kandidat ili je bila kandidat za bilo koji nivo vlasti na posljednjim opštim i posljednjim lokalnim izborima,
5. kojoj je izrečena kazna za radnju koja predstavlja težu povredu izbornog zakona ili propisa, za koju je lično odgovorna, u posljednje četiri godine, računajući od dana pravosnažnosti odluke,
6. koja je zastupnik, odnosno punomoćnik političkog subjekta koji učestvuje na izborima,
7. koja je pravosnažnom sudskom presudom osuđena na kaznu zatvora u trajanju od šest mjeseci ili duže,
8. koja je osuđena od strane bilo kojeg domaćeg i međunarodnog suda za zločin genocida, zločine protiv čovječnosti ili ratne zločine.

VII

Kandidati koji se prijavljuju na Javni oglas potrebno je da dostave sljedeću dokumentaciju:

1. prijavni obrazac sa kontaktima podnosioca prijave, listu dostavljenih dokumenata i svojeručni potpis podnosioca prijave,
2. dokaz o stručnoj spremi kandidata, odnosno ovjerenu kopiju diplome o stečenoj stručnoj spremi,
3. dokaz o izbornom iskustvu kandidata, odnosno:
 - za člana izborne komisije akt o davanju saglasnosti Centralne izborne komisije BiH na imenovanje ili uvjerenje iz službene evidencije koje mora sadržavati podatke o nazivu izborne komisije i mandatnom periodu;
 - za članstvo u biračkom odboru/timu za otvaranje vreća uvjerenje iz službene evidencije koje mora sadržavati podatke o vrsti i godini izbora i nazivu biračkog mjesta u kojem je imenovani kandidat bio u članstvu biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;
 - za sekretara izborne komisije, službenika centra za birački spisak, kontrolora izbornih rezultata i dužnosti u Glavnom centru za brojanje akt o postavljenju na navedenu dužnost ili uvjerenje iz službene evidencije nadležnog organa,
4. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama za trening trenera u organizaciji Centralne izborne komisije BiH ili o imenovanju instruktora za obuku kandidata za predsjednika/zamjenika predsjednika biračkog odbora, ili o dodijeljenom priznanju Centralne izborne komisije BiH (**Napomena: ovaj dokaz je neobavezan i kandidat ga može priložiti ako ga posjeduje radi dodatnog bodovanja**),

5. obavještenje o prebivalištu – obrazac PBA-3 ili PBA-4 (ne stariji od tri mjeseca od dana izdavanja od strane nadležnog organa),
6. svojeručno potpisanu i od strane nadležnog organa ovjerenu izjavu o nacionalnom izjašnjenju kandidata (**Napomena: izjava se podnosi na obrascu Centralne izborne komisije BiH**),
7. svojeručno potpisanu i od strane nadležnog organa ovjerenu izjavu kandidata da nije obuhvaćen odredbama člana 1.7b, 2.3 i 2.12 stav (7) Izbornog zakona (**Napomena: izjava se podnosi na obrascu Centralne izborne komisije BiH**).

Dokumenti koji se prilažu uz prijavu moraju biti dostavljeni u originalu ili ovjerenj fotografiji.

VIII

Javni oglas objavit će se u dnevnom listu „Dnevni avaz“, na RTV „7“ Tuzla i internet stranici Grada Tuzla (grad.tuzla.ba).

Prijave na Javni oglas dostavljati u zatvorenoj koverti sa naznakom „**Javni oglas za imenovanje člana Gradske izborne komisije Tuzla - ne otvaraj**“ na sljedeću adresu:

Grad Tuzla

Gradsko vijeće Tuzla

Konkursna komisija za imenovanje člana Gradske izborne komisije Tuzla

Ulica ZAVNOBiH-a broj 11, 75 000 Tuzla.

Prijavni obrazac iz tačke VII podtačka 1. i obrasci izjava iz tačke VII podtačka 6. i podtačka 7. Javnog oglasa možete preuzeti na internet stranici Grada Tuzla (grad.tuzla.ba) ili u prostorijama Stručne službe Gradskog vijeća, Ul. ZAVNOBiH-a broj 11, IV sprat.

Javni oglas ostaje otvoren 8 (osam) dana od dana objavljivanja.

Nepotpune i neblagovremene prijave neće biti uzete u razmatranje.

Po zatvaranju Javnog oglasa, Konkursna komisija za imenovanje člana Gradske izborne komisije Tuzla će pregledati dokumentaciju svih prijavljenih kandidata, a sa kandidatima koji ispunjavaju uslove propisane Javnim oglasom obaviti će se stručno testiranje koje se sastoji iz pismenog i usmenog dijela (intervju).

Pismeni dio stručnog testiranja sastoji se iz četiri različite oblasti iz izbornog zakonodavstva i izbornog procesa i to: nadležnost izbornih komisija i biračkih odbora, provedba izbora i zaštita izbornog prava, planiranje aktivnosti i budžet, Etički kodeks organa za provođenje izbora i poslovnik o radu izbornih komisija. Lista pitanja za pismeni dio stručnog testiranja s ponuđenim odgovorima i s tačnim odgovorom objavljuje se na internet stranici Centralne izborne komisije Bosne i Hercegovine.

Na intervjuu se postavljaju dva pitanja kojim se utvrđuje stručnost kandidata u smislu opisa poslova, zadataka i nadležnosti izborne komisije i pitanja koja su usmjerena na provjeru kompetencija kandidata.